

Cyngor Cymuned Dolbenmaen

Nodiadau Cyfarfodydd

Dyddiad y cyfarfod
Presennol

5ed Ionawr, 2023.

John Jones (Cadeirydd), Michael Jones (Garndolbenmaen), Richard Parry, Edward Evans (Bryncir), Richard Williams, Gwilym Evans (Prenteg), Huw Pritchard (Pentrefelin), Megan Lloyd Williams (Golan), Gwenno Emlyn Huws (Penmorfa), Cynghorydd Stephen Churchman (Cyngor Gwynedd)

Ymddiheuriadau

Iddon Edwards (Penmorfa), Clifford Williams (Garndolbenmaen), John Till (Golan), Sarah Jones (Pentrefelin), June Jones (Cynghorydd Cyngor Gwynedd)

Datgan Buddiant

Gwilym Evans- Eitem 16(g)
Megan Lloyd Williams a Gwenno Emlyn Huws - Eitem 13

Penderfyniadau
Etholiadau 2022

Clerc i ddarganfod pa gynghorau cymuned eraill oedd a diffyg cworwm yn dilyn yr etholiad nôl ym mis Mai ac i gysylltu hefo'r Clercod i weld os ydynt yn rhannu'r un anfodlonrwydd hefo'r Gwasanaeth Etholiadau.

John Ystumllyn a Bwrdd Gwybodaeth

Mae'r ffurflen gais am Grant o'r Gronfa Celfyddydau Cymunedol gan Gyngor Gwynedd i gael arian tuag at ddarparu bwrdd gwybodaeth ym Mhentrefelin wedi'i gwblhau a'i gyflwyno.

Clerc i gysylltu hefo'r Swyddog Adfywio Bro i gael cymorth hefo'r ffurflen Grant Treftadaeth y Loteri Genedlaethol.

Hwb Eifionydd

Awgrymwyd fod y Clerc yn cysylltu hefo'r Grŵp Cleifion i roi gwahoddiad i gyfarfod o'r Cyngor Cymuned am sgwrs.

Diffibriliwr Prenteg

Clerc i gysylltu gyda'r clwb "The Cave and Crag Club" i ddarparu manylion banc y Cyngor Cymuned er mwyn derbyn y rhodd ac i symud ymlaen hefo gwneud trefniadau i brynu'r diffib. Gwenno Hughes yn cynnig a Richard Williams yn eilio.

Cyfarfod Aml-leoliad

Awgrymwyd bod angen ymchwilio i gael cymorth i sefydlu cysylltiad band eang ym mhob un o ganolfannau cymdeithasol a'r neuaddau o fewn y gymuned. Clerc i gysylltu hefo Anwen Davies a Steffan Roberts o'r Adran Economi a Chymuned i weld os allent hwy wneud cyswllt hefo Pwyllgorau'r canolfannau a'r neuaddau i sefydlu eu hanghenion a'u cynghori ymhellach.

Hysbysfwrdd Pentrefelin

Adroddwyd bod un pris wedi'i dderbyn ar gyfer gwneud y gwaith o greu dau hysbysfwrdd newydd i'r pentref. Awgrymwyd ein bod yn gofyn am ddau bris arall cyn gwneud penderfyniad. Clerc i gysylltu hefo dau saer lleol am bris.

Sedd Wag Garndolbenmaen

Derbyniwyd un cais ar gyfer y sedd wag yng Ngarndolbenmaen gan Enid Egginton. Penderfynwyd cyfethol Enid Egginton. Richard Parry yn cynnig a Megan Lloyd Williams yn eilio.

Cyllideb 2023/24 a Praesept

Penderfynwyd cadw'r praesept yn £18,000.

Asesiad Risg

Trafodwyd Asesiad Risg 2022 a phenderfynwyd nad oedd angen ei newid. Megan Lloyd Williams yn cynnig a Richard Parry yn eilio.

Cynllunio

NP2/16/451B - Tir ger Pen y Bryn,
Penmorfa, LL49 9SB. Adeiladu tŷ
deulawr fforddiadwy, meddiannaeth
leol, creu mynedfa newydd i gerbydau
a thirlunio cysylltiedig. Penderfyniad:
Dim Gwrthwynebiad

NP2/16/416C - Safle Garejis Argoed,
Garndolbenmaen, LL51 9RX. Adeiladu
tŷ deulawr ar wahân. Penderfyniad:
Dim Gwrthwynebiad